



Malik Berthelsen & Anders Olsen  
Inatsisartuni ilaasortat, Siumut  
/ Maani

**§ 37 naapertorlugu apeqqummut nr. 2011-187-imut akissut Sinerissami sanaartornermi ingerlatat**

11. oktober 2011  
Sagsnr. 2011-056024  
Dok. Nr. 739702

Asasakka Malik aamma Anders

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Apeqqutissinnut qujanaq, taakkulu imatut nipeqarput:

1) 2012-imut Aningaasanut Inatsisissaq aqutigalugu Nuummi inissianik nutaanik sanaartugassatut pilersaarutigineqartuni, aammalu nutaanngilisimasut, isateriarlugit nutaanik taarsearniarneqartut ilanngullugit, sorliit sulii pituttugaanngitsutut Naalakkersuisunit nassuiaatigineqarsinnaappat?  
Soorunami matumani pineqarput sanaartukkat sulii aallartinneqanngitsut.

2) Kommuniniit imaluunniit Namminersortutik Oqartussat ataanni inissisimasuni, Nuup avataani inoqarfinni sanaartugassatut iluarsagassatulluunniit kissaatigineqartut, kisiannili 2012-mut Aningaasanut Inatsisissamut ikkunneqanngitsut suunersut Naalakkersuisut nassuiaatigisinnaavaat?

Apeqqut 1-imut akissut:

Kontomi pingaarnermi 89.72.12 Inissialiortiterneq taartissanillu sanaartorneq, ukiumut aningaasaliiffiusumut 2012-imut sanaartornermut aningaasaliissutit tamarmik suliiassanut aalajangersimasunut atugassanngortinneqarput. Taakku ilaat aallartinneqareerput, ilaat aallarnisarneqarput, ilaat pilersaarusiorneqarput aammalu ilaat inaarutaasumik neqerooruteqartitsivigineqarlutik.

Suliassat pingasut matuma kinguliani taaneqartut taamaallaat pilersaarusiorneqarput, taamaattumillu suliassat sulii suliariumannittussarsiuunneqanngimmata tungaviatigut pilersaarusiornertit unitsinneqarsinnaapput peerneqarsinnaallutilluunniit. Tassanili erseqqissaatigineqassaaq, siunnersorteqarnermut pilersaarusiornermullu isumaqatigiissusiortoqarsimatillugu taakku akilerneqartussaammata. Pilersaarutit naammasseriikkat kingusinnerusukkat atugassatut toqqorneqarsinnaapput.

a) Nuummi Blok P-p isaterneqarnissaanut katillugit 28 mio. koruunit immikkoortinneqarput, imatut agguarneqarlutik: Siusinnerusukkat ukiumi aningaasaliiffiusumi 24 mio. koruunit, 2012-imut aningaasanut inatsisissatut siunnersuummi 2 mio. koruunit aamma 2013-imut 2 mio. koruunit.

b) Nuummi Qapiarfusaami nutaanik sanaartornissamut iluarsaassinissamullu 119,7 mio. koruunit immikkoortinneqarput, imatut agguarneqarlutik: Siusinnerusukkat ukiumi

aningsaliiffiusumi 2 mio. koruunit, 2012-imut aningsaanut inatsisissatut siunnersuummi 16,2 mio. koruunit, 2013-imut 36 mio. koruunit aamma 2014-imut 78,5 mio. koruunit.

c) Nuummi Pisissiani sanaartorfik 8-mi inissialiassanut 57,9 mio. koruunit immikkoortinneqarput, imatut agguarneqarlutik: Siusinnerusukkut ukiumi aningsaliiffiusumi 1,9 mio. koruunit, 2012-imut aningsaanut inatsisissatut siunnersuummi 0,9 mio. koruunit, 2013-imut 20,3 mio. koruunit aamma 2014-imut 34,8 mio. koruunit.

Taakku saniatigut Nuup avataani ilaqutariinnut illunik illoqarfimmilu illunik sanaartornissamat aningsaliissuteqartoqarpoq, imatut agguarneqartunik: Siusinnerusukkut ukiumi aningsaliiffiusumi 54,2 mio. koruunit, 2012-imut aningsaanut inatsisissatut siunnersuummi 29 mio. koruunit, 2013-imut 21 mio. koruunit aamma 2014-imut 21. mio. koruunit.

#### Apeqqut 2-mut akissut:

Matuma kinguliani takussutissiami Nuup avataani illoqarfinnut allanut kommuninit sanaartugassatut kissaatit takussimasut, aammalu 2012-imut aningsaanut inatsisissatut siunnersuummut ilanngunneqarsimanngitsut takuneqarsinnaapput.

Suussusia	Iloqarfik/kommune	Aningsaat tamarmik 1.000 koruuninngorlugit				
		2012	2013	2014	2015	Katillugit
Sisimiuni utoqqarnut inissiat 12+6-it	Sisimiut	12.478	12.478	12.478	12.478	49.912
Aasianni A 21-mi illut affarleriit pingasut	Aasiaat	4.630	4.630			9.260
Innarluutilinnut najugaqaqatigiiffik	Qasigiannuguit	2.000				2.000
Ilulissani utoqqarnut najugaqarfik	Ilulissat	5.000	5.000	5.000		15.000
Utoqqarnut inissiat 10-t	Ilulissat	5.300	2.915	2.915		11.130
Lejrskolemumt illuliassat Illoqut marluk – mandetiimit	Qeqertarsuaq	750				750
Illuliassat Illoqut type 3-t sisamat	Qaanaaq	1300	1300			2.600
Tasiilami kommunip inissialiassai	Ammassalik	15.500	16.000	16.500	17.000	65.000
Kommunimi utoqqarnut inissiat	Kommune Kujalleq	1.870	1.870	1.870		5.610
Sisimiuni aamma Maniitsumi inissiat innarluutilinnut naleqqussakkat 16-it	Qeqqata kommunia	19.000	19.000			38.000
Kangaamiuni aamma Kangerlussuarmi ilaqutariinnut illut marluk	Qeqqata kommunia	2.200	4.650			6.850
Sisimiuni, Maniitsumi aamma Kangaamiuni inissianik isaterineq taartissanillu sanaartorneq	Qeqqata kommunia	30.000	30.000	30.000	30.000	120.000
Inissiat 20-20-60-t	Qeqqata kommunia	30.000	30.000	30.000	30.000	120.000
Kangaamiuni aamma Atammimmi kommunip illuliassai marluk	Qeqqata kommunia	1.500	1.500			3.000
Ittoqqortoormiini aamma Kommuneqarfik Sermersuumi nunaqarfinni kommunip inissialiassai	Kommuneqarfik Sermersooq	2.300	4.400	4.600	4.800	16.100
<b>Ineqarneq</b>		<b>133.828</b>	<b>1333.743</b>	<b>103.363</b>	<b>94.278</b>	<b>465.212</b>

Neriuppunga akissutigaa naammagissagissi.

Inussiarnersumik inuulluaqqusillunga

Jens B. Frederiksen